

ՀՀ ՊԱՇՏՊԱՆՈՒԹՅԱՆ ՆԱԽԱՐԱՐՈՒԹՅԱՆ ՏԵՂԵԿԱՆՔ

«Բելառուսի Հանրապետության կառավարության և Ռուսաստանի Դաշնության կառավարության միջև «Պաշտպանական համակարգեր» միջպետական ֆինանսաարդյունաբերական խմբի ստեղծման մասին 2000 թվականի փետրվարի 11-ի համաձայնագրին Հայաստանի Հանրապետության միանալու մասին» համաձայնագրի և «Բելառուսի Հանրապետության կառավարության և Ռուսաստանի Դաշնության կառավարության միջև «Պաշտպանական համակարգեր» միջպետական ֆինանսաարդյունաբերական խմբի ստեղծման մասին 2000 թվականի փետրվարի 11-ի համաձայնագրում փոփոխություններ և լրացումներ կատարելու մասին» արձանագրության կնքման նպատակահարմարության վերաբերյալ

«Պաշտպանական համակարգեր» միջպետական ֆինանսաարդյունաբերական խմբի ընդլայնման՝ դրա կազմում Հայաստանի Հանրապետության ձեռնարկությունները ներառելու նպատակով Համաձայնագրի նախագիծ էր մշակվել և քննարկվել 2011 թվականի հոկտեմբերի 17-ից 19-ը Մինսկում (Բելառուսի Հանրապետություն) կայացած հայ-բելառուսական ռազմատեխնիկական համագործակցության միջկառավարական հանձնաժողովի առաջին նիստի, ինչպես նաև 2011 թվականի հոկտեմբերի 24-ից 28-ը Երևանում կայացած հայ-ռուսական ռազմատեխնիկական համագործակցության միջկառավարական հանձնաժողովի 6-րդ նիստի ընթացքում: Հայ-բելառուսական հանձնաժողովի՝ 2011թ. նիստի ընթացքում քննարկված ռազմատեխնիկական համագործակցության ոլորտում մի շարք հարցերի շարքում բելառուսական կողմը տեղեկացրել էր հայկական կողմին այն մասին, որ բելառուսական կողմը չի առարկում «Պաշտպանական համակարգեր» միջպետական ֆինանսաարդյունաբերական խմբի ընդլայնմանը՝ դրա կազմում Հայաստանի Հանրապետության ձեռնարկությունները ներառելու հաշվին և ռուսական կողմը քննարկման էր ներկայացրել հետևյալ անվանումով՝ «Պաշտպանական համակարգեր» միջպետական ֆինանսաարդյունաբերական խմբի զարգացման մասին» համաձայնագրի նախագիծ:

Հայաստանի Հանրապետության կառավարության 2012 թվականի փետրվարի 2-ին կայացած նիստի ընթացքում նշված՝ «Պաշտպանական համակարգեր» միջպետական ֆինանսաարդյունաբերական խմբի զարգացման մասին» համաձայնագրի նախագծի կնքման առաջարկությունը համաձայնություն է տրվել ՀՀ կառավարության 2012 թվականի փետրվարի 2-ի թիվ 90-Ա որոշմամբ:

Հայաստանի Հանրապետության ձեռնարկությունները «Պաշտպանական համակարգերի» միջպետական ֆինանսաարդյունաբերական խմբում ներառելու հարցով Հայաստանի Հանրապետության վարչապետը դիմումներ էր հղել Ռուսաստանի Դաշնության կառավարության նախագահին: Սակայն Ռուսաստանի

Դաշնությունում նշված նախագծի համաձայնեցման գործընթացն ավարտվելուց հետո Ռուսաստանի Դաշնության արտաքին գործերի նախարարության կողմից առաջարկվում է պատրաստել փաստաթղթի լրիվ նոր տարբերակ և սահմանված կարգով նորից սկսել անհրաժեշտ բոլոր գործընթացները:

2012 թվականի նոյեմբերի 29-ին Երևանում կայացած հայ-բելառուսական ռազմատեխնիկական համագործակցության միջկառավարական հանձնաժողովի երկրորդ նիստի և 2012 թվականի սեպտեմբերի 21-ին Մոսկվայում կայացած հայ-ռուսական ռազմատեխնիկական համագործակցության միջկառավարական հանձնաժողովի 7-րդ նիստի ընթացքում պայմանավորվածություն ձեռք բերվեց այն մասին, որ բելառուսական կողմը և ռուսական կողմը միմյանց միջև կհամաձայնեցնեն փաստաթղթի նոր նախագիծը և այն կուղարկեն հայկական կողմին:

2012 թվականի նոյեմբերի 29-ին Երևանում կայացած հայ-բելառուսական ռազմատեխնիկական համագործակցության միջկառավարական հանձնաժողովի նիստի ընթացքում բելառուսական կողմը հայկական կողմին իրազեկել էր այն մասին, որ Հայաստանի Հանրապետության վարչապետի անունից սահմանված կարգով նամակ է /09.12.2011թ. թիվ 206-Ա/ ստացվել ուղղված Բելառուսի Հանրապետության վարչապետին Հայաստանի Հանրապետության ձեռնարկությունները “Պաշտպանական համակարգերի” միջպետական ֆինանսաարդյունաբերական խմբում ներառելու հարցով:

Բելառուսի Հանրապետության ռազմարդյունաբերության պետական կոմիտեն ռուսաստանյան կողմից ստացած առաջարկությունների հիման վրա պատրաստել և պետական կառավարման հանրապետական մարմինների համաձայնեցմանն է ներկայացրել վերոնշյալի վերաբերյալ հետևյալը.

Բելառուսի Հանրապետության Նախագահի հրամանի նախագիծ “Միջազգային պայմանագրի նախագծի շուրջ բանակցություններ անցկացնելու և այն ստորագրելու մասին”, Բելառուսի Հանրապետության կառավարության և Ռուսաստանի Դաշնության կառավարության միջև “Պաշտպանական համակարգեր” միջպետական ֆինանսաարդյունաբերական խմբի ստեղծման մասին 2000թ. փետրվարի 11-ի համաձայնագրում” փոփոխություններ և լրացումներ կատարելու մասին” արձանագրության /այսուհետ՝ Արձանագրություն/ նախագիծ, “Բելառուսի Հանրապետության կառավարության և Ռուսաստանի Դաշնության կառավարության միջև “Պաշտպանական համակարգեր” միջպետական ֆինանսաարդյունաբերական խմբի ստեղծման մասին 2000թ. փետրվարի 11-ի համաձայնագրին Հայաստանի Հանրապետության միանալու մասին” համաձայնագրի նախագծի առնչությամբ բանակցությունների անցկացման և դրա ստորագրման մասին” Բելառուսի Հանրապետության

նախարարների խորհրդի կարգադրության նախագիծ, «Բելառուսի Հանրապետության կառավարության և Ռուսաստանի Դաշնության կառավարության միջև «Պաշտպանական համակարգեր» միջպետական ֆինանսաարդյունաբերական խմբի ստեղծման մասին 2000թ. փետրվարի 11-ի համաձայնագրին /այսուհետ՝ Համաձայնագիր/ Հայաստանի Հանրապետության միանալու մասին համաձայնագրի նախագիծ:

Բելառուսական կողմը խոստացել էր մինչև 2012 թվականի ավարտը հայկական կողմին ուղարկել «Պաշտպանական համակարգեր» միջպետական ֆինանսաարդյունաբերական խմբում Հայաստանի Հանրապետության ձեռնարկությունները ներառելու հարցով միջպետական գործընթացների ավարտի մասին: Եվ արդեն 2013 թ. հունվարի վերջին ռուսական կողմից /Ռուսաստանի Դաշնության ՌԾՀ դաշնային ծառայության միջոցով, գրություն՝ 18.01 2013թ./ ՀՀ պաշտպանության նախարարությանը փոխանցվել է բելառուսական կողմի կազմած վերոնշյալ Համաձայնագրի և Արձանագրության նախագծերը, որոնք բելառուսական կողմը 13.12.2012թ. N 05/1-584 գրությամբ ուղարկել էր ռուսական կողմին:

Դիտարկվող Համաձայնագրի նախագիծը մշակվել է՝ կարևորվելով Կողմերի պետությունների կազմակերպությունների միջև ավանդաբար ձևավորված գիտատեխնիկական, արտադրական, առևտրային և ֆինանսական կապերի պահպանման ու զարգացման ձգտումը: Կողմերը փաստաթուղթը մշակել են ղեկավարվելով Անկախ պետությունների համագործակցության շրջանակներում 1994 թվականի ապրիլի 15-ին ստորագրված արտադրական, կոմերցիոն, ֆինանսավարկային, ապահովագրական և խառը անդրազգային միավորումների ստեղծմանն ու զարգացմանն աջակցելու մասին միջկառավարական համաձայնագրով:

Դիտարկվող Համաձայնագրի նախագծի դրույթին համապատասխան Հայաստանի Հանրապետությունը միանում է 2000 թվականի փետրվարի 11-ին ստորագրված «Բելառուսի Հանրապետության կառավարության և Ռուսաստանի Դաշնության կառավարության միջև «Պաշտպանական համակարգեր» միջպետական ֆինանսաարդյունաբերական խմբի ստեղծման մասին» համաձայնագրին և ամբողջ ծավալով իր վրա է կրում դրանից բխող իրավունքներն ու պարտականությունները: Նախագծի 2-րդ հոդվածին համապատասխան Կողմերը՝ կապված Հայաստանի Հանրապետության միանալու հետ լրացումներ և փոփոխություններ են կատարում «2000 թվականի փետրվարի 11-ին ստորագրված «Բելառուսի Հանրապետության կառավարության և Ռուսաստանի Դաշնության կառավարության միջև «Պաշտպանական համակարգեր» միջպետական ֆինանսաարդյունաբերական խմբի ստեղծման մասին» համաձայնագրի մեջ և այդ

փոփոխություններն ու լրացումները ձևակերպվում են առանձին Արձանագրությամբ:

Նշված Արձանագրության դրույթների համաձայն Կողմերը՝ /Բելառուսի Հանրապետության կառավարություն, Ռուսաստանի Հանրապետության կառավարություն, Հայաստանի Հանրապետության կառավարություն/ աջակցում են 2000 թվականի փետրվարի 11-ին ստորագրված «Բելառուսի Հանրապետության կառավարության և Ռուսաստանի Դաշնության կառավարության միջև «Պաշտպանական համակարգեր» միջպետական ֆինանսաարդյունաբերական խմբի ստեղծման մասին» համաձայնագրին /Համաձայնագրին/ համապատասխան ստեղծված «Պաշտպանական համակարգեր» միջպետական ֆինանսարդյունաբերական խմբի զարգացմանը, այդ թվում՝ ընդգրկելով «Պաշտպանական համակարգեր» միջպետական ֆինանսաարդյունաբերական խմբի կազմում Կողմերի պետությունների կազմակերպության մասնակիցներին:

Արձանագրության նախագծի 1-ին հոդվածով սահմանվում է այն փոփոխություններն ու լրացումները, որոնք կատարվել են Համաձայնագրի համապատասխանաբար՝ 1-ին, 2-րդ, 3-րդ, 4-րդ, 5-րդ, 6-րդ, 7-րդ, 8-րդ, 9-րդ և 12-րդ հոդվածներում: Ըստ նշված հոդվածներում կատարված փոփոխությունների, միջպետական ֆինանսաարդյունաբերական խմբի մասնակից կազմակերպությունների կողմից խմբի ծրագրերի շրջանակներում արտադրվող ռազմական և երկակի նշանակության արտադրանքի (աշխատանքներ, ծառայությունների) փոխադարձ մատակարարումներն (իրագործումը) իրականացվում են դիտարկվող Արձանագրության մասնակից պետությունների օրենսդրություններով սահմանված կարգով:

Դիտարկվող Արձանագրության համաձայն Կողմերն իրենց պետությունների օրենսդրություններին համապատասխան կարող են աջակցել միջպետական ֆինանսաարդյունաբերական խմբի մասնակից կազմակերպություններին անհրաժեշտ պետական աջակցության միջոցներ ստանալ խմբի կոնկրետ նախագծերն իրագործելու համար:

Ըստ Արձանագրության դրույթների, խմբի մասնակից կազմակերպությունները Միջպետական ֆինանսաարդյունաբերական խմբի պարտավորությունների առնչությամբ պատասխանատվություն են կրում միջպետական ֆինանսաարդյունաբերական խմբի պետական գրանցման վայրի - Ռուսաստանի Դաշնության օրենսդրությանը համապատասխան:

Կողմերն ապահովում են մասնակից պետությունների օրենսդրություններին համապատասխան պետական գաղտնիք կամ պետական գաղտնիքներ համարվող, դրա իրագործման ընթացքում ստացված տվյալների պաշտպանությունը:

Դիտարկվող Համաձայնագրի, ինչպես նաև դիտարկվող Համաձայնագրի 2-րդ հոդվածին համապատասխան կազմված Արձանագրության հիմնական նպատակն է Միջպետական ֆինանսաարդյունաբերական խմբի զարգացմամբ

նպաստել ռազմական, երկակի ու քաղաքացիական նշանակության արտադրանքի համաշխարհային շուկայում բարձր տեխնոլոգիական և մրցունակ նմուշների ստեղծման ու արտադրության ուղղությամբ, ինչպես նաև նշված արտադրանքի գոյություն ունեցող նմուշների վերանորոգման և արդիականացման աշխատանքների (ծառայությունների) կատարման համար խմբի մասնակիցների, այդ թվում՝ Հայաստանի Հանրապետության արդյունաբերական ձեռնարկությունների գիտատեխնիկական, արտադրական, նորոգման և ներդրումային ներուժի առավելագույն օգտագործումը, որն էլ իր հերթին կնպաստի Հայաստանի Հանրապետության պաշտպանական ներուժի ամրապնդմանը:

Դիտարկվող Համաձայնագրի կնքումը բխում է Հայաստանի Հանրապետության շահերից, քանի որ Համաձայնագիրը իրավական հիմք է ստեղծում 2000 թվականի փետրվարի 11-ի «Ռուսաստանի Դաշնության կառավարության և Բելառուսի Հանրապետության կառավարության միջև «Պաշտպանական համակարգեր» միջպետական ֆինանսաարդյունաբերական խմբի ստեղծման մասին» համաձայնագրին Հայաստանի Հանրապետության միացման համար, իսկ 2000 թվականի փետրվարի 11-ի «Ռուսաստանի Դաշնության կառավարության և Բելառուսի Հանրապետության կառավարության միջև «Պաշտպանական համակարգեր» միջպետական ֆինանսաարդյունաբերական խմբի ստեղծման մասին» համաձայնագրում փոփոխություններ և լրացումներ կատարելու մասին» Արձանագրության կնքմամբ Հայաստանի Հանրապետության համար պայմաններ է ստեղծում մասնակցել արտադրական, գիտատեխնիկական և ներդրումային ներուժի հետագա ինտեգրման և առավել արդյունավետ օգտագործման, ինչպես նաև Կողմերի պետությունների արդյունաբերական համալիրների կոոպերացիոն կապերի բարձր մակարդակի ապահովմանը:

Հաշվի առնելով վերոնշյալը, ՀՀ պաշտպանության նախարարությունը նպատակահարմար է համարում սկսել «Բելառուսի Հանրապետության կառավարության և Ռուսաստանի Դաշնության կառավարության միջև «Պաշտպանական համակարգեր» միջպետական ֆինանսաարդյունաբերական խմբի ստեղծման մասին 2000 թվականի փետրվարի 11-ի համաձայնագրին Հայաստանի Հանրապետության միանալու մասին» համաձայնագրի և «Բելառուսի Հանրապետության կառավարության և Ռուսաստանի Դաշնության կառավարության միջև «Պաշտպանական համակարգեր» միջպետական ֆինանսաարդյունաբերական խմբի ստեղծման մասին 2000 թվականի փետրվարի 11-ի համաձայնագրում փոփոխություններ և լրացումներ կատարելու մասին» արձանագրության կնքման նպատակով ՀՀ օրենսդրությամբ սահմանված ընթացակարգերը:

ՀՀ պաշտպանության նախարար



Ս.ՕՍԿԱՆՅԱՆ